

勅朕初承天序方將大封同姓以藩屏帝室而天不憖遺俾我
二三伯父叔父皆早世以沒易褒崇之恩爲贈祿之典可不爲
之大哀耶皇叔祖故具官某等胄出祖宗而支屬未疏身享富
貴而恭儉無僞奄茲淪謝命也何居其由諸衛之聯寵以兩使
之重且卽其郡而加賜諸公之印綬焉詩不云乎爾之教矣民
胥傲矣咨爾四方尙識朕親九族之意豈特慰乎死者而已哉
故和州防禦使士伍贈安慶軍節度使舒國公同詞
但改兩句云其錄并防起界節錢且卽其地而加賜
案士父朱史宗室表作士父士寤表作士寤士階表作士階
父古別字父古冰字寤
密階情俱形近不知當以何者爲定
靜江軍承宣使天水郡開國侯士贈開府儀同三司追
封和國公

勅國家寵待近屬獨殊庶官雖爵秩之並崇會事爲之弗責用
能九族之旣睦而無二叔之不咸逮沒元身更加異數恩惟義
稱人豈吾私故具官某生則戒侈驕之期長而遊翰墨之藝謙
勤待士性實使然其恪會朝老猶不忘暨朕纂承之日有懷信
厚之風命已不融心焉是悼衮衣赤舄綈台路之多儀胙土苴
茅徹厯陽之奧壤尙其未泯知享斯榮

士街妻令人張氏清河郡夫人

原標安德軍節度使同知大宗正事士街妻令人張氏
遇紹興三十一年九月二日明堂赦特贈清河郡夫人
安慶軍節度使同知大宗正事士街妻令人
曹氏特贈永嘉郡夫人譚氏信安郡夫人
案此當爲二勅同詞耳然不應同一題
也今備原標而題則止稱士街妻焉